



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Komisija za finansije i budžet

Broj: 01/4-011-563/02

Sarajevo, 28. maja 2002.godine.

ZAPISNIK

sa 30. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 28. maja 2002.godine

Sjednica je počela u 10 sati.

Sjednicom je predsjedavala Emina Začiragić, predsjedavajući Komisije.

Sjednici su prisustvovali: Ramiz Vilić, Salih Kulenović, Dragi Stanimirović,
Boro Bjelobrk, Zdenko Vukić,

Opravdano odsustvovali sa sjednice Tihomir Gligorić. Ljubomir Kovačević i
Mirko Baković.

Sjednici je prisustvovali: Muharem Imamović i Gordana Ković, zamjenici
ministra za trezor institucija BiH, Vasil Žarković, savjetnik za ekonomska i
finansijaska pitanja u Predsjedništvu BiH, Vedran Hadžović sekretar Službe za
zajedničke poslove i Branka Todorović sekretar Predstavničkog doma Parlamentarne
skupštine Bosne i Hercegovine.

Za sjednicu Komisije je predložen i jednoglasno usvojen sljedeći

DNEVNI RED

1. Razmatranje Prijedloga Budžeta institucija BiH i međunarodnih obaveza BiH za 2002. godinu sa predloženim amandanimanama
2. Razmatranje prijedloga Zakona o izvršenju Budžeta institucija BiH i međunarodnih obaveza BiH za 2002. godinu sa predloženim amandanimanama
3. Razmatranje Prijedloga zakona o osiguranju depozita Bosne i Hercegovine sa predloženim amandmanima
4. Tekuća pitanja.

Ad-1

Razmatranje Prijedloga Budžeta institucija BiH i međunarodnih obaveza BiH za 2002. godinu

Nakon uvodnih napomena datih od strane predlagača i obrađivača Budžeta vodila se rasprava o opštim principima i načelima.

U diskusiji su učestvovali: Emina Zaćiragić, Salih Kulenović, Ramiz Vilić, Zdenko Vukić, Boro Bjelobrk i Dragi Stanimirović.

Predloženo je da Komisija sa nadležnim Komisijama entiteta u okviru okruglog stola sagleda smanjenje javne potrošnje i u kojim prostorima kreirati budžetsku potrošnju u narednom periodu.

Muharem Imamović je istakao da je nedopustivo da država nema svojih prihoda niti zakona koji bi jedinstveno regulisao porez na dodatnu vrijednost.

Većina članova Komisije podržava donošenje Budžeta u predloženom obliku.

Komisija je razmatrala predložene amandmane i o svakom amandmanu pojedinačno se izjašnjavala.

Amandman I Mirka Banjca glasi:

“Stavku Budžeta naznačenu pod 3.28 (Rezervisanja) redni broj 1. tekuća rezerva umanjiti iznos od 436.414,00 KM, a sredstva ubaciti kod budžetskog korisnika Ministarstva za ljudska prava i izbjeglice redni broj 3.3. tekući grantovi-Program izbjeglica. Preostali iznos sredstava iz tekućih rezervi ne smije se koristiti za finansiranje Agenta pred Međunarodnim sudom pravde u Hagu”.

Amandman sa 6 glasova “protiv” nije usvojen.

Amandman I Kluba poslanika SDA glasi:

U članu 3. II Dio Raspoređivanja u tabeli 3.2

Predsjedništvo BiH u okviru tačke IV Programi posebne namjene ubaciti novu poziciju koja glasi:

3. Agent pred Međunarodnim sudom pravde u Hagu 436.414,00 KM, sa ovom izmjenom bi postojeća pozicija 3. sada bila pozicija 4. i ostala bi nepromjenjena Time bi sada tačke IV i V tabele 3.2 bile uvećana za 436.414,00 KM, a glasila bi:

| | |
|-----------------------------------|-----------------|
| IV Programi posebne namjene | 3.336.514,00 KM |
| V SVE UKUPNO..... | 6.728,552,00 KM |

Amandman II Kluba poslanika SDA glasi:

U članu 3.tabela 3.28. REZERVISANJA tačka 1. Tekuća rezerva umanjiti iznos od 436.414,00 KM, tako da sada glasi:

1. Tekuća rezerva 4.250.000,00 KM

Sada bi ukupna rezervisanaja bila umanjena i glasila bi:

2. Ukupna rezervisanja..... 5.396.916,00 KM.

Obrazloženje

Finansiranje Agenta-zastupnika pred Međunarodnim sudom pravde u Hagu, u tužbi BiH protiv SR Jugoslavije za genocid i agresiju, bilo je predviđeno u povučenom Prijedlogu Budžeta i ne vidi se razlog zašto bi se to eventualno brisalo, imajući prije svega u vidu da država treba i mora stajati iza svog zastupnika pa čak i finansijski.

Imajući u vidu naprijed navedene izmjene, neophodno je izvršiti i tehničke korekcije iznosa u tabeli 3. RASPORED PRIHODA PO BUDŽETSKIM KORISNICIMA, tačka 2.tačka 3.3., kao i tabeli 4.2. TRANSFERI ZA PROGRAME POISEBNE NAMJENE, ubaciti tačku 2.3. Agent pred Međunarodnim sudomc pravde u Hagu.

Komisija sa 2 glasa "za" i 4 glasa "protiv " nije usvojila Amandman I i Amandman II Kluba poslanika SDA. (amandmani nisu dobili potrebnu većinu).

Amandman I Abdurahmana Malkića glasi:

U članu 6. u okviru Programa posebnih namjena za koje nisu obezbjeđena sredstva u okviru planiranih tekućih prihoda, u tabeli 6.1. NOMINACIJA SPECIJALNIH PRORAMA ČIJE SE FINANSIRANJE OBEZBJEĐUJE IZ POSEBNIH DODATNIH IZVORA, u tački 4. Ministarstvo za ljudska prava i izbjeglice dodati novu tačku 4.2. koja glasi:

2.2. podrška projektu "Program za Srebrenicu"..... 1.000.000,00KM
tačka 4.1. bi sada glasila:
4.1. Podrška povratku izbjeglih i raseljenih lica..... 10.381.600,00KM
tačka 4. Ministarstvo za ljudska prava i izbjeglice 11.388.600,00KM
ostala bi nepromjenjena.

Obrazloženje

Skupština općine Srebrenica ja na svojoj sjednici od 4. marta 2002. godine usvojila Rezoluciju o posebnom tretmanu područja općine Srebrenica od viših organizacionih nivoa države u BiH i Međunarodne zajednice u BiH, kao jedan vapaj za pomoć prije svega u povratku, rekonstrukciji, obnovi i razvoju te stoga predlaže da se na ovaj način izađe u susret njihovoj namjeri.

Komisija sa 2 glasa "za " i 4" protiv" nije usvojila amandman.

Amandman I Mariofila Ljubića glasi:

U Prijedlogu budžeta, u "II DIO: RASPOREĐIVANJA", u članu .3, mijenjaju se tabela "3. RASPORED PRIHODA PO BUDŽETSKIM KORISNICIMA i tabela "PARLAMENTARNA SKUPŠTINA BIH", tako da glase:

3. RASPORED PRIHODA PO BUDŽETSKIM KORISNICIMA

| RED.BR. | BUDŽETSKI KORISNIK | UKUPNO BUDŽETSKI KORISNIK | | | |
|---------|-----------------------------|---------------------------|-------------|----------------|-----|
| | | Pr. budžeta za 2002. | Razlika | Budžet 2002.g. | Inc |
| 1 | Parlamentarna skupština BiH | 4.079.613,00 | +332.529,00 | 4.412142,00 | |

Predhodna povećanja sredstava osigurat će se umanjeanjem sredstava tekuće rezerve Budžeta, a namijenit će se na način :

PARLAMENTARNA SKUPŠTINA BIH

| Vrsta rashoda | Ekonomski kod | Prijedlog Budžeta za 2002. | Razlika (+,-) | Projekcija budžeta za 2002.g. | Indek |
|--|---------------|----------------------------|--------------------|-------------------------------|-------|
| Kapitalni izdaci | 6880 | 70.000,00 | +23.978,00 | 93.978,00 | |
| Programi posebne namjene | | 300.000,00 | +300.000,00 | 600.000,00 | |
| Programi evropskih integracija (VE i EU) i ostala međunarodna saradnja | | 0,00 | +300.000,00 | 300.000,00 | |
| SVE UKUPNO | | 4.079.613,00 | +332.529,00 | 4.412142,00 | |

Broj zaposlenih: 95

Shodno ovim izmjenama, vrše se odgovarajuće promjene u tabelama: "Kapitalni izdaci" i "Programi posebne namjene", a koji se odnose na Parlamentarnu skupštinu BiH, a time i na ukupne iznose u navedenim tabelama.

Komisija sa 4 glasa "za" i 1 "uzdržanim" glasom je usvojila amandman.

Komisija je sa 3 glasa "za" i 2 glasa "protiv" usvojila Prijedlog Budžeta institucija BiH i međunarodnih obaveza BiH za 2002. godinu i predložit će Predstavničkom domu da usvoji Bužet institucija BiH sa amandmanom Mariofila Ljubića.

Ad-2

Razmatranje prijedloga Zakona o izvršenju Budžeta institucija BiH i međunarodnih obaveza BiH za 2002. godinu

Nakon opšte rasprave o principima Zakona koje su usvojeni sa 4 glasa "za" i 1 "uzdržanim" glasom Komisija je razmatrala Amandmane predložene na Zakon.

Amandman I Kluba poslanika PDP, SNSD, SPRS, SNS

Član 5.1.1. mijenja se i glasi:

"Sredstva budžetske rezerve mogu se koristiti samo kao:
 - nedostajući iznosi sredstava za budžetske korisnike i
 - izdvajanja za nastale vanredne okolnosti,"

Amandman II

Član 5.1.2. mijenja se i glasi:

"transfri sredstava iz budžetskih rezervi mogu se realizovati samo na osnovu pojedinačne odluke koju Vijeće ministara donosi konsenzusm."

Komisija sa 5 gasova "protiv" nije usvojila amandmane Kluba poslanika PDP, SNSD, SPRS, SNS.

Amandman I Emine Zaćiragić

U člnu 5.1. iza stava 5.1.2. dodaje se novi stav koji glasi:

“ O upotrebi sredstava budžetske rezerve za finansiranje troškova međunarodnih porova i arbitraža odlučuje Predsjedništvo BiH”.

Stav 5.1.3 postaje stav 5.1.4.

Obrazloženje

Obzirom na nadležnost Predsjedništva BiH iz člana V.3. Ustava Bosne i Hercegovine, predloženi amandman je u skladu sa ustavnom nadležnošću Predsjedništva BiH.

Komisija sa 3 glasa “za” i 3 glasa “protiv” nije usvojila amandman (amandman nije dobio potrebnu većinu).

Ad-3

Razmatranje Prijedloga zakona o osiguranju depozita Bosne i Hercegovine sa predloženim amandmanima

Nakon obavljene opće rasprave o principima predloženog Zakona koji su usvojeni sa 4 glasa «za» 1 glasom «uzdržanim» glasom, Komisija se nastavila raspravu o 10 amandmana predloženih od Kluba poslanika SDS i 18 Amandmana predloženih od Kluba poslanika PDP,SPRS,SNS,SNSD/DSP u Predstavničkom domu.

Komisija je prema redosljedu razmatrala predložene amandmane i pojedinačno se izjašnjavala o svakom predloženom amandmanu.

Nakon rasprave Komisija Amandman I ,II, III,IV V i VI sa 5 glasova «protiv» nije usvojila.

Amandman VII i Amandman IV navedenih Klubova je identičan, a glasi:

U članu 18.3 stav 10. i stav 11. brisati.

Komisija je prihvatila razloge predloženog amandmana i usvojila amandman sa 4 glasa « za» 1 «uzdržanima» glasom, uz obrazloženje što je predlagač usvojio primjedbe na stav 12. i 13. navedenog člana na Zakon date od Ministarstva finansija Republike Srpske, a nije brisao stav 10. i 11. koji regulišu istu materiju.

Amandman IX i X sa 5 glasova «protiv» Komisija nije usvojila.

Prilog: Amandmani Kluba poslanika SDS

Komisija se pojedinačno izjašnjavala o 18 predloženih amandmana Kluba poslanika PDP,SPRS,SNS,SNSD/DSP

Amandman I,II i III Komisija sa 5 glasova «protiv» nije usvojila

Amandman IV identičan amandmanu VII Kluba poslanika SDS Komisija je usvojila sa 4 glasa «za» i 1»uzdržanim» glasom.

Amandnan V Komisija nije usvojila sa 1 glasom «za» i 4 glasa «protiv».

Amandman Vi,VII,VIII,IX i X Komisija sa 5 glasova «protiv» nije usvojila.

Amandman XI glasi:

U članu 19.2 stav 3. riječi:
« njegovih/njenih» «mu/joj» i on/ona» zamjeniti riječju «direktor»

Imajući u vidu da se predloženi amandman odnosi na poboljšanje teksta navedenog stava, odnosno preciziranje formulacija, Komisija je sa 4 glasova «za» i 1 «uzdržanim» glasom usvojila amandman **i stava 3. člana 19.2 glasi:**

« Direktori filijala rukovode i organiziraju rad filijala i pomažu direktoru Agencije u obavljanju njegovih dužnosti iz prethodnog stava, a jedan od direktora filijala vrši dužnost direktora kada mu direktor prenese to ovlaštenje u slučaju službenog odsustva direktora. Bilo koji posao iz prethodnog stava direktor može prenjeti na direktore filijala kao pojedinačno ovlaštenje ili kao ovlaštenje koje on dijeli sa direktorom.»

Amandman XII Komisija je smatrala bespredmetnim obzirom da se riječ »tajne« u članu 20. posljednjeg stava nalazi u svim jezičkim verzijama.

Amandman XIII glasi:

U članu 21. stav 6. iza riječi:» godinu dana» dodati riječi: «u kom roku se privremeno upotrijebljena sredstva vraćaju u Fond» i preostali dio teksta se nastavlja.

Komisija je prihvatila obrazloženje amandmana da je privremena upotreba uplaćenih sredstava premija osiguranja u svrhu finansiranja operativnih troškova Agencije u suprotnosti sa članom 11. stav 2. Zakona koji definiše da se sredstva premije osiguranja koriste isključivo za povećanje kapitala Fonda, i amandman usvojila jednoglasno, sa 5 glasova «za».

Amandman XIV,XV,XVI, i XVII Komisija sa 5 glasova «protiv» nije usvojila.

Amandman XVIII Komisija je prihvatila kao leksičku doradu i podržala sugestiju da su određene formulacije članova neprecizne, da se trebaju leksički doraditi u pravcu poboljšanja teksta i od predlagača Zakona zatražiti da se preciziraju formulacije i sljedećih članova:

člana 12.1 zadnji stav; člana 12.2 zadnji stav, i člana 12.2. 3. prvi stav.

Prilog: amandmani Kluba poslanika PDP,SPRS,SNS,SNSD/DSP

Potrebno je napomenuti da su amandmani navedenih predlagača koje Komisija nije usvojila identični, a odnose se: na Amandman I i I; Amandman III i VII, i Amandman V i IX.

Komisija je mišljenja da je neophodno donijeti Zakon o osiguranju depozita Bosne i Hercegovine i predložiti će Domu da usvoji Zakon.

Za izvjestioca na sjednici Doma na osnovu člana 89. Poslovnika Komisija odredila je predsjedavajućeg Komisije.

Sjednica je završila u 14:00 sati.

Sekretar Komisije
Emira Češljarić



Predsjedavajući komisije
Emina Začiragić

